

松江府志卷七十七

名蹟志

第宅

華亭縣

陸機別宅 在谷陽門內今

氏家本崑山不在邑中然宋

宅之側志黃耳家則云在機

在今城西南與普照寺相望

可二里許別宅不在邑中其

二百餘里又見其地皆在

松江府志（嘉慶） 一七

松江府志卷七十七

名蹟志

第宅

華亭縣

晉陸機別宅

在谷陽門內今普照寺顧志云前志謂陸

氏家本崑山不在邑中然末引九域志云八角井在機

宅之側志黃耳冢則云在機家村南二百步案八角井

在今城西南與普照寺相望可一里許黃耳冢在井南

可二里許如宅不在邑中井安得云在側冢安得云南

二百步耶又況唼鶴灘養魚池皆陸氏遺迹皆去寺不

遠乎志又引李太白題王處士水亭云齊朝南苑迺陸
機宅而謂機仕於朝則居建康華亭谷迺其里第然則
安知非谷為里第而寺其園亭耶今據牟巘記定以寺

為陸機別宅云

陸機懷土賦 余去家漸久懷土彌篤方思之殷何
物不感曲街委巷罔不興咏水泉草木咸足悲焉故
述斯賦 背故都之沃衍適新邑之邱墟遵黃川以
葺宇被蒼林而卜居悼孤生之已晏恨親沒之何速
非虛房而永念想遺塵而如玉眇縣邈而莫覲徒佇
立其焉屬感亡景於存物惋頽年於拱木悲顧盼而
有餘思俯仰而自足留茲情於江介寄瘁貌於河曲
玩通川以悠想撫征轡而躑躅伊命駕之徒勤參歸
途之良難愍栖鳥於南枝弔離禽於別山念庭樹以
悟懷憶路草而解顏甘堇茶於飴苾緯蕭艾其如蘭
神何寢而不夢
形何興而不言

宋唐詢詩 舊牒傳遺址悠然歷祀深人無令威至
門異下邳箴谷水當年溜崑山昔日陰魯堂那復見
絲竹若

王安石詩 故物一已盡嗟此歲年深野桃自著花
荒棘徒生箴芊芊谷水陽鬱鬱崑山陰俛仰但如昨
遊蹤不
可尋

梅堯臣詩 我思陸平原廢宅荒草深才高乃速禍
事往不可箴飢鳥噪樹顛野鼠窟庭陰黃耳亦已死
家書無
復尋

元王良詩 士衡多奇才儒術何困深少年作文賦
吐秀視含箴遭讒卒遇禍白日雲為陰一聞華亭鶴
遺址尚
可尋

段天祐詩 二陸騎鯨去於今歲月深才高多見疾
文好不容箴野水添春漲林煙駐夕陰蕭條讀書處
遺迹可
能尋

陳顧府君宅 在府城東南三十五里北有湖曰顧亭湖

南有林曰顧亭林今寶雲寺其址也

宋錢良臣詩 伊昔邊烽備不虞太平移作梵王居

而今江表全無事借我三椽更讀書

許尚詩 蕭蕭蘭若地知是府君居祠事今誰奉吾

來一歎吁

唐蔡侍郎宅 在柘林卽方廣教寺咸通中侍郎捨宅爲

寺

宋少師朱彥美宅 在府治後朱家巷其後賜第於平江

致政後自號機山閒人築燕超堂於圃中孫覲係公夫

人之從子爲記

宋孫覲記 中奉大夫直祕閣華亭朱公著仕版者

五十年四持使者節官至上大夫尊顯三朝而被遇

於太上皇召見賜帶服進職中祕恩賚光寵一時歆
豔以爲榮年七十書納祿築堂圃中將朝夕游謁
於此堂成肅賓容置酒落之名燕超方靖康建炎之
亂積六七年兵火被四海衣冠僵仆交迹公家居海
上不出閭巷不去墳墓而又才智絕人自縣令州佐
奉使一路名迹偉然常最其列至是潛深伏奧縮手
袖間疏池沼蒔花竹幅巾藜杖徜徉其中夫婦偕老
歲時坐堂上華髮相映子孫滿前腰綬擁笏奉卮酒
爲壽吹竹彈絲極歡而罷得老氏所謂燕處超然者
昔楚漢相持跳兵走馬而中有黃公綺季之間蓋惟
勝士高人深明去就顯晦之節俯仰遜世遠俗患
坐視猿猱顛倒置網中而兩手猶未置所操也茲其
所以爲超然者耶覲公夫人之從子也憂患乖離不
獲見十年矣其山林之勝輪奐之華今不能言也他
日造公之堂尙能援筆賦之公諱彥美字
師實華亭縣人旣請老自號機山閒人云

雙松堂 宋趙孟頫寓室

元黃公望隱居 在柳家巷名一峯小隱

秋圃 元陳仁別業

元黃潛詩 握手高談四座空
 將心事付西風清
 泉白石人聲外翠竹蒼藤海氣中
 尚喜餘香三徑在
 須知佳興四時同
 良辰勝饒
 嗟何及明日扁舟我欲東

竹庭 沈德輝別墅德輝上海掌籍吏遂刑名多平反至

正閒詔免水深長蕩租額鄰縣抑者德輝伸之既而辨
 論於行省曰恩在普沾省堂是之由是鄰儕坐抑累者

得蘇鄉人以是多德輝

明袁凱詩 沈公為吏無私曲
 往往能反有冤獄歸
 來囊底無一錢種得庭前數竿竹
 竹林陰陰多子孫
 誦詩讀書連朝昏短牆破壁蒼蘚合
 人言可比于公門
 于公種德不種惡沈公行厚心不薄
 我歌此詩有深意告爾後
 來司犴吏

古窩 陳珍居楊維禎有記

五慶堂 蔡君美居有五慶圖

柳貫五慶圖序 自養老引年之禮不見於庠序而
 家自為政人自為俗雖以君子庶人之老貴富有於
 其身有曾不得隨年為品以享夫貳膳常羞之奉則
 徒行徒食猶為限于力制不獲已然也至於與之疑
 年而辱之泥塗抑豈先王示慈惠訓孝弟意哉夫以
 五十始杖而不從力政八十與之杖而復其志九十
 就問焉而復其家所謂引戶校年隆禮備養而優游
 於佚道之中者或不能得之於上而子孫燕私之際
 乃能時其涼燠蚤暮之節適其肥甘輕暖之宜樂其
 志以不違其心則亦一家之曾閔一鄉之四代而已
 學者謂其有仁義而施焉錄而著之亦綱維世變之
 一機也浙東廉訪使者治吾婺自余歸里亟聞其掾
 蔡君美之賢今年夏君美忽以書致吳郡朱君民所
 作五慶圖要予序蓋君美世家絲竹而僑居
 母徐九十猶在養父檜巖翁亦自踰楚葉兒戲之
 矣于是君俊復有三子二孫蘭芬芝煥服和裝服再

時節上壽五世一堂陳饋羞耆休有令儀天之遇蔡
 氏厚矣而君美又託之繪事以寫其盛復求能言之
 士聲之詠歌流之管弦彰之木顯之符詩曰孝子不
 匱永錫爾類又曰樂只君子遐不黃耇然則天之厚
 君美者寧獨其身而諸君子之所以為君美厚者又
 寧獨於其一人一家哉顧今養老引年之禮失於庠
 序者如彼而得於燕私者如此則孝弟仁義之端斷
 自君美發之木鐸采焉彤筆書焉若畫與詩與不腆
 之言則亦未為無徵云至順二年仲夏東陽柳貫道傳又序

雙慶堂 華亭趙氏之居米芾書扁

元王逢詩 雙慶大字三尺餘書學博士米老書銀
 鉤鐵畫煥華扁野鶩家雞隨墨緒南垣從事寶已八
 題封遠寄趙隱居隱居夫婦百有七十歲慈顏道氣
 神仙如雨燈的的夜猶積霜髮蕭蕭晨自梳平生種
 德還種樹坐見蓋擁于公問大郎賣藥隱城市小郎
 謝吏歸村墟小郎奉觴蹠進酒大郎希韞躬膾魚今
 目何日席不虛水蒼珮瑛青霞裾鶩羣池散晴雪滿
 燕子簾卷薰風初膝前玉語蘭解笑柳拂几杖花圍

漢一門四世咸在侍衆實屬我留瓊琚我從去國至
避地目經多難常欲歎乃翁全獲福善報伯氏仲氏
尚慎終名譽伯仲載拜答
頌禱已聞帝夢遊華胥

謹節堂 華亭徐去奢奉母之所

元王逢詩并記 初去奢在壯年負志氣部舟師隸
東藩以功超遷亞中大夫既夫人齒邁卽棄官歸田
去奢名彥裕字仲寬世爲素封家又以庶民之孝痛
自勵尤可稱也 居士前爲都護侯戈船犀甲戍東
甌風連颯海青蘋夜日薄燕關赤葉秋三組授來丞
相幕六珈光動老人邱忽興九折王陽歎絕遣長平
趙括憂美筍嘉魚重鼎列護花奇石半簾鉤導輿復
見潘安賦墊角曾如郭泰留堂上壽康猶事績郡中
歌頌迭鳴球尚期呼嫂躬
雞黍客拜龍鸞禮並優

定軒 趙彥同退休之處三衢金寔記

明長史管訥宅 在三里汀訥詩所云我家三里汀前往

茅堂政近桃花渚是也

樂琴書處

在日河匯明學士沈度居別有榮賜堂與相

竝大理寺少卿沈粲居粲與兄子員外郎藻同時致政
歸里又名錫老堂

同善堂

在三里汀西明學士錢溥宅

按察使張祚宅

在迎仙橋西又有貽白堂在大五崙

三貞堂

在府治東門外成化初旌表中書舍人張駿家

爲三貞之門因以名堂三貞者駿母胡氏世母瞿氏楊
氏也華亭知縣戴冕記

鳳山書屋

在郡東明朱應祥讀書處旁有點易臺洗心

亭夏寅記別有宅在白龍潭

朱應祥自題 老夫點易臺前坐笑看人間歲月忙
落盡薔薇紅玉片荀梢容易過人長

鶴涇田舍 顧文僖清別業

顧清自題 山靈應道我歸來一徑新添雨後苔高
柳直從江路見細花還傍竹叢開百年天際雲千變
萬事林閒酒一杯記得我家
老開府當年曾勸陸郎來

東老堂 在普照寺側明憲副沈霽宅

顧清記略 憲副沈君子公有宅一區介府城闔闔
間自其高祖雲泉翁厥考竹深封君及君兄弟世居
之君宦游幾二十年無所改益賓客之往來病其陞
隘會西鄰有更業者以厚幣酬之啓便門而會焉地
始舒衍有山石花竹之勝亭臺間之幽致層出面山
有堂高不倍尋丈廣不踰數筵乃撤其舊顏名之曰
東老而屬子記客有疑而問者曰東老之云非呂仙
題壁謂貧而有餘樂者乎彼方適於枯槁寂寥之濱

而君方為天子耳目出佐外臺顧以彼自居其無乃
 弗類乎予曰古人若謝文靖之東山裴晉公之終野
 白傅之香山安陽之晝錦此其人何嘗不都顯爵擔
 厚祿而考其中如祥鵬之御風應龍之憑雲人仰而
 望之異而神之而我無加焉雲斂風平而鬣鬣羽翰
 猶故也執是而論則夫意滿而思謙處高而能下浮
 雲世味而超然于澹靜之天者正君子之所以遠過
 於人而其應會乘時陵亨衢而陟華要者也而子奚
 哉疑

太師徐文貞階賜第 在仙鶴觀西今為提帥府舊第在

佛宇橋河西太常徐璠析仲子元普居之

少司寇徐陟宅 在文貞宅西

范濂據目鈔云濟農倉以西皆細民廬舍自文貞列
 第于東其第少司空陟即捐金羅致其址建今司空
 三第太平橋以南亦增園他竹木之勝焉府治西南
 最號荒涼自六第並建而徐氏蒼頭厚蓄者爭起大

宅少卿徐珉又建新第於南禪寺前東至南水關西至放鶴灘北抵元輔舊第甲第之盛卽東漢王根西京樊重不
是過矣

御史馮恩宅

在放鶴灘左前後列爲二第大學生曾可

居尤極廣饒內多亭榭竹石之勝第有三層閣高十丈餘與元輔新第爭雄後屬大學士錢龍錫今爲前營游

擊署

明徐階記 忠訓堂者吾友南江公之所作也始君爲童子厥考時齋公數訓以持己守官忠義廉節之道於時公旣幼而時齋公爲儒家乃其語皆搢紳大元所有事鄉之人迂之公不爲變未幾病且瞑顯公語曰能憶我言乎公謝不敢忘遂領之而逝公旣卒母吳氏申詔君如公之爲後二十年君舉進士爲新江道御史贈公如其官封母太孺人上疏詆用事者逮繫詔獄罪至死再下廷讞無所屈論如初牽詣西

名蹟志

第宅上

市吏卒萬人持白刃夾道立旁觀者皆泣君不色恐
 會太孺人率君嗣子行可擊登聞鼓上書行可又刺
 臂血書疏以請天子憐之得減死戍雷州由是君直
 聲震海內士大夫相與言曰南江公可謂忠臣時齋
 公以忠訓其子真可謂不負焉矣又五年公被詔放
 歸其鄉日娛侍太孺人感上之恩而痛父之不可作
 則取制辭所謂教子謹忠廉之訓者顏其堂曰忠訓
 屬階為記階不敏幼與公同硯席辱交於公深敢因
 以為勸時齋公與太孺人諸懿行尚多茲特記其訓
 子者故不及行可舉庚子鄉薦嘗挽汪鉉輿訟父冤
 鉉斥之曰爾父為忠臣爾復欲為孝子耶他
 日立於朝固能移孝為忠以承其祖訓者也

超然堂 馮時可讀書處

給事中楊允繩宅 在葉謝鎮

水部李昭祥宅 在塌水橋左額曰棲雲館

國朝彭開祐集濯錦江樓雲館詩 舊雨人堪醉棲雲徑
 轉幽落紅依酒榼空翠漾簾鉤春事煙郊足吟壇韻

鉢留錦江吾故里
廿載憶同遊

崇蘭館 在東明橋布政莫如忠居別宅在莫家街

狎鷗亭 在瑞鹿橋北觀察李日章竝起四第東半多庵

基西半多營地後三屬參政宋堯武而日章孫紹文守其一堯武又於沿城闢園池築亭其上

尙書陸樹聲宅 在沙家橋西合掌橋東後屬

國朝昭武將軍楊捷

中丞陸樹德宅 在迎仙橋

司成朱大韶宅 在繡衣坊北卽御史蘇恩舊居後屬都

運陸從平今爲婁縣署

名蹟志

第宅上